

Siunnersuummut nassuiaatit

Nassuiaatit nalinginnaasut**1. Aallaqqaasiut**

1.1 Uumasuuteqarneq

Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumut ilanngussaq 4-mi maleruaqqusat aallangortinneqassasut, 2018-imi Inatsisartut ukiaanerani ataatsimiinneranni aalajangiiffigisassatut siunnersuutigineqarpoq, taamaalilluni siunissami aallaaviatigut inissiani attartortittakkani pisortanit pigineqartuni qimmiuteqarnissaq qitsuuteqarnissarlu akuerisaalissallutik.

Aalajangiiffigisassatut siunnersuut suliarineqarnerani ataatsimut isigalugu taperserineqarpoq, taamaattoq iluarsaassinermut aningaasartuuteqarnerulernissaq, siunnersuutip malitsigisinnaasaa, nangaanartoqartinneqarluni, kiisalu innuttaasut qimminik imaluunniit qitsunnik sapigaqartut sinnerlugit isumakuluutigineqarluni.

Siunnersuummi siunertaavoq, kikkut tamarmik kissaataasa pisariaqartitaasalu sapinngisamik annertunerpaamik eqqarsaatigineqarnissaat. Attartortut qimmiuteqarnissamut imaluunniit qitsuuteqarnissamut akuerineqarnissamik annertuumik kissaateqartut, kisianni aamma attartortut tamatuma akuerisaanissaanik kissaateqanngitsut.

Uumasuuteqarneq inooqatigiinnermi ilaatinneqartunut arlalinnut iluaqutaasinnaavoq, ilanngullugit asanninneq, qanilaarneq, timigissarneq aamma inooqatigiinnermi piginnaasaqarfinnik ineriartortitsineq, inuunerinnerulernissamut iluaqutaasinnaasut.

Siunnersuut malillugu Namminersorlutik Oqartussat aamma kommunit inissiaataanni attartortittakkani uumasuuteqarnissaq aallaaviatigut akuerisaavoq. Tamatuma kingunerisaanik, qimmiuteqarnermut qitsuuteqarnermullu maleruaqqusat kommunimut pineqartumut atuuttut naapertorlugit akuersissutip piumasarineqartup saniatigut, attartortut uumasuuteqarnissamut allamik akuersissummik peqartariaqanngillat.

Kissaatigineqartut imminnut akerleriittut taakkua naammassiniarlugit, taamaakkaluartoq najugaqatigiiffimmi pineqartumi uumasuuteqarnissaq akuerisaassanngitsoq, siunnersuut malillugu siulersuisut aalajangiinissamut piginnaatinneqarput. Tamatumani sapigaqartut allallu tamatuma akuerisaannginnissaanik kissaateqartut pisortat inissiaataanni attartortittakkami najugaqaannarnissamut periarfissaqarnissaat, qulakkeerniarneqarpoq. Attartortut najugaqatigiiffimmi ineqarfigisaminni uumasuuteqarnissaq akuerisaassanersoq, najugaqartut oqartussaaqatigiinnerat aqqutigalugu taamaalillutik sunniuteqarsinnaapput.

Uumasuuteqarnissamut akuersissuteqarnermi Inatsisartut inatsisaat nr. 2, 12. maj 2005-imeersumi maleruagassat atuuttut malillugit attartortitsisoq qaammatini pingasuni ineqarnermut akiliutip annertoqqataanik immikkut qularnaveeqqusiinissamik piumasqaarsinnaavoq, takuuk § 50, imm. 3.

Attartornissamut isumaqatigiissuteqarnermi taamaalilluni qaammatini pingasuni ineqarnermut akiliutip annertoqqataanik qularnaveeqqusiinissamik kiisalu attartortunit uumasuuteqartunit qaammatini pingasuni ineqarnermut akiliutip annertoqqataanik immikkut qularnaveeqqusiinissamik piumasqaateqarnissaq periarfissaavoq. Attartortunut piffissami attartorfiusumi qimmiuteqarnissamik imaluunniit qitsuuteqarnissamik kissaateqartunut, qularnaveeqqusiussassaq qaammatini pingasuni ineqarnermut akiliutip annertoqqatigaa.

Immikkut qularnaveeqqusiinissaq pillugu aalajangersagaq, naqqit silinissaannut ajoqusiinernullu allanut qimmeqarnerup imaluunniit qitsuuteqarnerup malitsigisinnaasaannut immikkut aningaasartuuteqarnissaq pakkersimaarniarlugu, siunnersuummi matumani ingerlateqqinneqarpoq. Tamatumani uumasuuteqarnermik pissuteqartumik inissiami immikkut aserfallannernik iluarsiinissamut aningaasartuutit najugaqartut akilersinnaanngippasigit, najugaqatigiiffiit aningaasaqarnerisa annertunerusumik nanertorneqannginnissaat qulakkeerniarneqarpoq.

Uumasuuteqarnermut sukkulluunniit tunngavissaatinneqarpoq, qimmiuteqarnermut qitsuuteqarnermullu maleruagassat kommunimi pineqartumi atuuttut naapertorlugit attartortoq kommunalbestyrelsimit allaganngorlugu akuersissummik tunineqarsimassasoq.

Ilaqutariinnut arlalinnut inissiani uumasuuteqarnissamut akuersissummik tunniussinissap tunuarsimaarfigineqartarnera, ullumikkut inissiani Namminersorlutik Oqartussanit pigineqartuni, INI A/S-imit aqunneqartuni suleriaaserineqarpoq.

Kommuneqarfik Sermersuumi kommunalbestyrelsi 2017-imi januaarimi aalajangerpoq, siunissami najugaqatigiiffinni siulersuisut ataasiakkaat aalajangiiffigisassagaat, qimmiuteqarnissamut imaluunniit qitsuuteqarnissamut akuersissummik qinnuteqarnissamut periarfissiisoqassanersoq.

1.2 Attartortup toqunerani attartukkap tiguneqarnera

Attartortup toqukkat qimagunnerani attartornermut tunngasut attartortup qanigisaannit qaninnerpaanit tiguneqarnissaannut maleruagassat sukanninnginnerusut atuuttussanngorlugit, inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumi § 60 allannngortinneqassasoq, 2019-imi upernaakkut ataatsimiinnermi siunnersuutigineqarpoq.

Inatsisartuni suliarinninnerup nalaani aalajangiiffigisassatut siunnersuut ataatsimut isigalugu taparserneqarpoq. Inatsisartut, Sanaartornermut Ataatsimiititaliaq aalajangiiffigisassatut siunnersuummut isumaliutissiissuteqarpoq aammalu siunnersuut akuerineqassasoq

inassutigalugu. Sanaartornermut Ataatsimiititaliap oqaatigaa inatsisip suliarineqarneranut atatillugu naleqqussaasoqassasoq, taamaalilluni attartortup toqunissaa minnerpaamik qaammatinik arfinilinnik sioqqullugu inooqateqarneq pisimassasoq, siunissami piumasaqaataalissalluni. Aammattaaq Sanaartornermut Ataatsimiititaliap oqaatigaa, sulisunut inissiap tiguneqarnissaanut, pineqartup nalinginnaasumik inissianut utaqqisut allattorsimaffianni allassimanissaa, piumasaqaataajunnaassasoq.

Siunnersuummi matumani attartortup toqukkut qimaguttup katissimallugu aapparisa, aappaatut nalunaarsorsimasoq, meerai 18-it sinnerlugit ukiullit imaluunniit angajoqqaavi attartukkamik tigusinissamut periarfissinneqarput. Siunnersuummi ilaatinneqanngillat attartortup qatanngutai imaluunniit ungasinnerusumik ilaqtai.

Attartortoq inooqateqarsimangippat, siunnersuut atuutissanngilaq, assersuutigalugu taamaallaat akunnaannersiorluni najugaqatigiittoqarsimappat imaluunniit attartortup ineeraq ataaseq allamut attartortissimappagu.

2. Siunnersuummi immikkoortut pingarnerit

a) Inatsisit atuuttut - uumasuuteqarneq

Inatsisit atuuttut malillugit aallaaviatigut Namminersorlutik Oqartussat aamma kommunit inissiaataanni attartortittakkani allaganngorlugu akuersissummik peqarani uumasuuteqartoqaqqusaanngilaq. Taamaattoq aalisagaasivimmiittunik aalisagaateqarnissamut, ineqartinneqartunik timmiaateqarnissamut, kikkaasunik ineqartinneqartunik aamma saanilunnik assigisaannilluunniit uumasuuteqarnissamut attartortut attartortitsisumik akuersissummik peqartariaqanngillat.

Attartortitsisoq allaganngorlugu akuersissummik tunniussippat, qaammatini pingasuni ineqarnermut akiliutip annertoqqataanik immikkut qularnaveeqqusiisoqassasoq, akuersissutip tunniunneqarneranut atatillugu attartortitsisumut aningaasannorlugu akilerneqartussamik, attartortitsisoq piumasaqaateqarsinnaavoq. Attartortitsisup qularnaveeqqusiussaq akilerneqartoq, inigisaaq qimallugu nuunnermut atatillugu qimmiuteqarnermit imaluunniit qitsuuteqarnermit pisumik ajoqusiinernut matussutissatut atorsinnaavaa.

Attartortut Inatsisartut inatsisaat nr. 2, 12. maj 2005-imeersup atuutsilernissaa sioqqullugu qimmiuteqartut imaluunniit qitsuuteqartut najugaqatigiiffiup siulersuisuinit allaganngorlugu akuersissummik peqaratik, unioqutitsinatik uumasuutitik piginnarsinnaavaat.

b) Siunnersuut - uumasuuteqarneq

Siunnersuut malillugu aallaaviatigut pisortat inissiaataanni attartortittakkani qimmiuteqarnissaq imaluunniit qitsuuteqarnissaq akuerisaavoq.

Taamaattoq taamaakkaluartoq najugaqatigiiffimmi pineqartumi uumasuuteqarneq akuerisaassanngitsoq aalajangiinissamut, siunnersuummi najugaqatigiiffimmi siulersuisut piginnaatinneqarput. Tamatumani najugaqartut oqartussaaqatigiinnerat aqutigalugu

attartortut najugaqatigiiffimmi najugaqarfigisaminni uumasuuteqarnermut tunngatillugu maleruagassanut sunniuteqaqataanissaasa periarfissaqarnissaa, qulakkeerniarneqarpoq.

Siunnersuut manna malillugu uumasuutit tassaatinneqarput qimmit aamma qitsuit. Siunnersuut malillugu attartortut uumasunik minnernik uumasuuteqarnissamut akuersissummik qinnuteqartussaanginnerat atuutiinnarpoq, ilanngullugit aalisakkat aalisagaasivimmiittut, timmissat ineqartinneqartut, kikkaasut ineqartinneqartut aamma saaniluit assigisaalluunniit.

Attartortut aamma uumasuutit ilanngussaq 4 naapertorlugu torersaarnissamut maleruagassani piunasaqaatinik naammassinnissimanissaasa saniatigut, uumasuuteqalernissaq sioqqullugu qimmiuteqarnermut qitsuuteqarnermullu maleruagassat kommunimi pineqartumi atuuttut naapertorlugit kommunalbestyrelsimit allaganngorlugu akuersissummik pissarsisoqarsimassasoq, sukkulluunniit piunasaqaataavoq.

Attartortut akuersissummik tunniussisoqarnerani qaammatini pingasuni ineqarnermut akiliutip annertoqqataanik attartortitsisumut immikkut qularnaveeqqusiissasut pillugu aalajangersagaq, siunnersuummi matumani ingerlateqqinneqarpoq. Ajoqusiisoqarsimappat uumasuuteqarnermit pisumik, tassunga matussutissatut qularnaveeqqusiussaq akilerneqartoq attartortitsisup suli atorsinnaavaa.

c) Inatsisit atuuttut – attartortup toqunerani attartukkamik tigusineq

Attartortitsisarnermut peqqussummi § 60 atuuttoq malillugu attartortup toqunerani katissimallugu aapparisaq attartugaq ingerlateqqissinnaavaa. Katissimallugu aapparisaq attartortup toqunissaa sioqqullugu inooqataasimassasut imaluunniit ataatsimut inoqutiginni illoqataasimassasut, piunasaqaateqanngilaq.

Sulisunut inissiaq pisortani sulisitsisunit innersuunneqarsimasoq pineqarpat, sulisunut inissiaq inissiatut attartortittakkatut nalinginnaasutut katissimallugu aapparisaq innersuunneqarsinnaavoq. Taamaattoq piunasaqaataavoq, katissimallugu aapparisaq, pisortani sulisitsisumi nammineq atorfeqarnermini sulisunut inissiamut innersuunneqarsinnaasimassasoq. Aammattaaq piunasaqaataavoq, attartortoq toqukkut qimaguttoq imaluunniit katissimallugu aapparisaq inissiamut utaqqisut allattorsimaffianni nalinginnaasumi allatsissimassasoq.

Attartortitsisarnermut peqqussummi § 60 atuuttoq malillugu inuk attartornissamut isumaqatigiissummi atsioqataasimangitsoq, attartortup toqunerani attartugarineqartoq ingerlatiinnarsinnaavaa. Piunasaqaataavoq inuk minnerpaamik ukiuni marlunni attartortumi ataatsimut inoqutiginni illoqataasimassasoq.

Sulisunut inissiaq pisortani sulisitsisumit innersuunneqarsimasoq pineqarpat, sulisunut inissiaq inummut minnerpaamik ukiuni marlunni attartortumi ataatsimut inoqutiginni illoqataasimasumut inissiatut attartortittakkatut nalinginnaasutut innersuunneqarsinnaavoq.

Taamaattoq piunasaqaataavoq inuk pineqartoq pisortani sulisitsisumi nammineq atorfeqarnermini sulisunut inissiamut innersuunneqarsinnaassanngitsaq. Aammattaaq piunasaqaataavoq attartortoq toqkukut qimaguttoq imaluunniit inuk pineqartoq taanna inissiamut utaqqisut allattorsimaffianni nalinginnaasumi allatsissimassasoq.

Attartortitsisarnermut peqqussummi § 60 atuuttoq, ataatsimoorluni meeraqarluni katissimallutik aappariinnut assingusumik inooqatigiinnermuinnaq atuutinngilaq. Aalajangersagaq ”inuk sivikinnerpaamik ukiuni marlunni attartortup ataatsimut inoqutaannut peqataasimasumut” atuuppoq. Aalajangersagaq taamaalilluni assersuutigalugu qatanngutigiiit, meeqqat angajoqqaallu arlallit imaluunniit aanaakkut aataakkut aamma ernuttat najugaqatigiinnerannut imaluunniit ilaqutariinnani najugaqatigiinnermi imaluunniit najugaqartut akornanni ataatsimut inoqutigiinnut, aamma atuuppoq.

c) Siunnersuut – attartortup toqunerani attartukkamik tigusineq

Siunnersuutigineqarpoq attartugarineqartup tiguneqarnissaanut imaluunniit sulisunut inissiap inissiatut attartortittakkatut nalinginnaasutut innersuunneqarnissaanut pisinnaatitaanermi pineqartunut ilaassasut, attartortup katissimallugu aapparisa, aappaasutut nalunaarsorsimasoq, inooqataa, meerai 18-it sinnerlugit ukiullit angerlarsimaffimmi najugaqartut aamma attartortup angajoqqaavi.

Siunnersuutigineqarpoq inooqataasup pisinnaatitaaffeqarnissaanut, attartortup toqunerata nalaani katissimallugu aapparisaatut isikkoqartumik inooqatigiinneq pisimassasoq, piunasaqaataassasoq.

Aammattaaq siunnersuutigineqarpoq, katissimallugu aapparisa, aappaasutut nalunaarsorsimasup, inooqatigisap meeqqat 18-it sinnerlugit ukiullit aamma angajoqqaat, pisinnaatitaaffeqarnissaanut, attartortup toqunissaa sioqqullugu minnerpaamik qaammatini arfinilinni ataatsimut inoqutigiinni illoqataasimanissaa aammalu inuit allattorsimaffianni nalunaarsorsimassasoq, piunasaqaataassasoq.

Allanguuteqartinnagu siunnersuutigineqarpoq sulisunut inissiamik inissiatut attartortittakkatut nalinginnaasutut innersuussinissamut, attartortup katissimallugu aapparisa, aappaasutut nalunaarsorsimasoq, inooqatigisaa, meeqqat 18-it sinnerlugit ukiullit imaluunniit angajoqqaat pisortani sulisitsisumi nammineerlutik atorfeqarnerminni sulisunut inissiamut innersuunneqarsinnaasimassanngitsut.

Siunnersuutigineqarpoq, sulisunut inissiamut inissiamut attartortittakkatut nalinginnaasutut innersuussinissamut, inissiamut utaqqisut allatsimaffianni nalinginnaasumi allatsissimanissaq piunasaqaataassanngitsaq.

Siunnersuut inatsimmut atuuttumut sanilliullugu	
<i>Oqaasertaliineq atuuttoq</i>	<i>Siunnersuut</i>

	§ 1
	Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumi, kingullermik Inatsisartut inatsisaanni nr. 17, 8. juni 2017-imeersumi allanngortinneqartumi, makkua allanngortinneqassasut:
<p>§ 37, imm. 5: <i>Imm. 5.</i> Attartortup attartukkaminik qimatsineranut atatillugu attartortitsisup qularnaveeqqusiissut immikkullu qularnaveeqqusiissut, tak. § 50, imm. 5, attartortumut piumasaqaatinut matusissutissatut atorsinnaavai.</p>	<p>1. § 37, <i>imm. 5-imi</i>, ”§ 50, <i>imm. 5</i>” allanngortinneqassasooq imatut: ”§ 50, <i>imm. 7</i>”.</p>
<p>§ 50, imm. 3-5: <i>Imm. 3.</i> Namminersornerullutik Oqartussat kommunellu inissiaataanni attartortittakkani attartortitsisoq allakkatigut akuersissuteqarsimatinnagu inissiami uumasuuteqartoqaqqusaanngilaq. Taamaattorli aalisakkat aalisagaasivimmiittut, timmisat ineqartinneqartut, kikkaasut ineqartinneqartut, kiisalu saaniluit akuersissuteqarnissamut piumasaqarfiussanngillat. Uumasuuteqarnissamut akuersissuteqarnermi attartortitsisup qaammatini pingasuni ineqarnermut akiliutip annertoqataanik immikkut sillimanissamut akiliuteqarnissaq piumasarinnaavaa. Attartortut peqqussutip matuma atuutilernissaata tungaanut maleruagassat malillugit uumasuuteqarsimasut, uumasuutigisap maleruagassat malillugit uummasuutigineqartup pigiinnarnissaanut pisinnaatitaapput. <i>Imm. 4.</i> Attartortup akuersissutip tunniunneqarneranut atatillugu sillimmasiinissamut akiliutissaq anigaasanngorlugu akilissavaa. <i>Imm. 5.</i> Attartukkap qimanneranut atatillugu uumasuuteqarnerup kingunerisaanik ajoquserneqartut iluarsaannerinut attartortitsisup sillimmasiissutit atorsinnaavai.</p>	<p>2. § 50, <i>imm. 3-5</i>, atorunnaarsinneqassapput, tamatumunngalu taarsiullugu <i>imm. 3-7</i> ilanngunneqassallutik: ”<i>Imm. 3.</i> Namminersorlutik Oqartussat aamma kommunit inissiaataanni attartortittakkani uumasuuteqarnissaq akuerisaavoq, taamaattoq takukkit <i>imm. 4-7</i>. <i>Imm. 4.</i> <i>Imm. 3</i> apeqqutaatinnagu, taamaattoq najugaqatigiiffimmi pineqartumi uumasuuteqarneq akuerisaassanngitsoq, najugaqatigiiffimmi siulersuisut aalajangersinnaapput. <i>Imm. 5.</i> Ilanngussaq 4 naapertorlugu uumasuuteqarneq pillugu torersaarnissamut maleruagassani piumasaqaatit sukkuunniit naammassineqarsimassapput. <i>Imm. 6.</i> Uumasuuteqalernermi attartortoq qaammatini pingasuni ineqarnermut akiliutip annertoqataanik immikkut qularnaveeqqusiissaaq. Attartortup uumasuuteqalernermi qularnaveeqqusiussassaq attartortitsisumut anigaasanngorlugu akilissallugu. Uumasuutigineqartoq toquppat imaluunniit attartortoq allatut uumasuuteqarunnaarpat,</p>

	<p>attartortitsisoq illuutip attartorneqartup misissoreernerani aalajangersinnaavoq, attartortup qularnaveeqqusiussaasa uninngatinnissaannut piunasaqaatit atuukkunnaassasat aammalu aningaasat tamakkiisumik ilaannaasumilluunniit utertillugit tunniullugit.</p> <p><i>Imm. 7.</i> Imm. 6-imi qularnaveeqqusiussatut akiliutigineqartut, ajoqusiinernut uumasuuteqarnermit pilersinneqartunut matussutissatut, attartortitsisup atorsinnaavai.”</p>
<p>§ 60. Attartortup toqunerani aapparisaq qimagaasoq atugassarititaasut atuinnarlugit attartornermik ingerlatseqqiinnarsinnaatitaavoq. Taamatuttaaq inuk inissiamik attartornermut isumaqatigiissummi atsioqataasimangitsoq, kisiannili sivikinnerpaamik ukiuni marlunni attartortup ataatsimut inoqutaannut peqataasimasoq pisinnaatitaaffeqarpoq, taamaattorli tak. § 63, imm. 3.</p> <p><i>Imm. 2.</i> Sulisunut inissiaq, attartortup pisortani sulisitsisuni atorfeqarnini aqutigalugu sulisunut inissiatut innersuunneqarfigisaa matumani pineqarpat, aappaasoq attartornermut atugassarititaasut atorlugit inissiamik innersuussivigineqarnissamik pisinnaatitaaffeqarpoq. Innersuussinissamut piunasaqaataavoq aappaasup nammineerluni pisortani sulisitsisuni atorfeqarnermigut sulisunut inissiamik innersuussivigineqarsinnaatitaannginnissaa, aammalu attartortup aappaasorlu utaqquisut allattorsimaffianni nalinginnaasumi allaqqasimanissaa. Taamatuttaaq pisinnaatitaaffeqarpoq inuk sivikinnerpaamik ukiuni marlunni attartortup ataatsimut inoqutaannut peqataasimasoq, taamaattorli tak. § 63, imm. 2.</p> <p><i>Imm. 3.</i> Attartortoq utoqqalinini nappaateqarniniluunniit pissutigalugit paaqqinnittarfimmu assigisaanulluunniit nuuppat, imm. 1-2-mi aalajangersarneqartut</p>	<p>3. § 60 imatut oqaasertalerneqassaaq:</p> <p>” § 60. Attartortup toqunerani katissimallugu aapparisaq imaluunniit aappaasutut nalunaarsorsimasoq maannamut atugassarititaasut tunngavigalugit attartortunngornissamut pisinnaatitaavoq, taamaattoq takuuk § 63, imm. 3. Piunasaqaataavoq katissimallugu aapparisaq imaluunniit aappaasutut nalunaarsorsimasoq, attartortup toqunissaa minnerpaamik qaammatinik arfinilinnik sioqqullugu attartortup inoqutaanni ataatsimut illoqataasimassasoq aammalu inuit allattorsimaffianni nalunaarsorsimassasoq.</p> <p><i>Imm. 2.</i> Imm. 1 taamaaqataanik attartortup inooqataanut atuuppoq. Inooqataasutut isigineqarpoq inuk attartortup katissimalluni aappariinnut assingusumik inooqatigisaa.</p> <p><i>Imm. 3.</i> Imm. 1 taamaaqataanik attartortup meeraannut 18-it sinnerlugit ukiulinnut atuuppoq. Meeraq illoqarfimmi allami ilinniarnerninik naammassereernermini imaluunniit unitsitsereernermini ingerlaannaq attartukkami inuit allattorsimaffianni nalunaarsorsimalersimappat,</p>

atorneqassapput.

ilinniariarsimaneq imm. 1 malillugu naatsorsuinermi ilanngunneqassaaq. Meeqqat angerlarsimaffimmi najugaqartut arlallit attartortunngornissamik kissaateqarpata, meeraq attartortup toqunissaa sioqqullugu piffissami sivisunerpaami attartortup inoqutaani ataatsimut illoqataasimasooq aamma inuit allattorsimaffiani nalunaarsorsimasooq, salliutinneqassaaq.

Imm. 4. Imm. 1 taamaaqataanik attartortup angajoqqaavinut atuutissaaq. Angajoqqaat marluullutik attartortunngornissaaq kissaatigippassuk, angajoqqaq attartortup toqunissaa sioqqullugu piffissami sivisunerpaami attartortup inoqutaani ataatsimut illoqataasimasooq aamma inuit allattorsimaffiani nalunaarsorsimasooq, salliutinneqassaaq.

Imm. 5. Sulisunut inissiaq tassani pineqarpat, attortortumut pisortani sulisitsisuni atorfeqarnera aqutigalugu innersuunneqarsimasooq, attartortup katissimallugu aapparisa, aappaasutut nalunaarsorsimasooq, meeqqat 18-it sinnerlugit ukiullit imaluunniit angajoqqaat attartortumut atugassarititaasut nalinginnaasut tunngavigalugit inissiamut innersuunneqarnissamut pisinnaatitaapput, taamaattoq takuuk § 63, imm. 2-3. Innersuussinissamut piumasaqaataavoq attartortup katissimallugu aapparisa, aappaatut nalunaarsorsimasooq, meeraq 18-it sinnerlugit ukiullit imaluunniit angajoqqaavi nammineerlutik pisortani sulisitsisumi atorfeqarnertik aqutigalugu sulisunut inissiamut innersuunneqarnissamut pisinnaatitaassanngitsut.

Imm. 6. Attartortoq ukioqqortussutsini imaluunniit napparsimanini pissutigalugu

	<p>utoqqaat illuannut assingisaanulluunniit nuuppat, imm. 1-5-imi aalajangersakkat taamaaqataanik atuutissapput.</p> <p><i>Imm. 7.</i> Imm. 1-4 malillugit attartukkamik tigusinissamut pisinnaatitaaneq, attartortup katissimallugu aapparisaanut, aappaatut nalunarsorsimasumut, meeqqanut angerlarsimaffinni najugaqartunut 18-it sinnerlugit ukiulinnut imaluunniit angajoqqaavinut, taaneqarnerisa tulleriinneri malillugit, atuuttussanngortinneqarsinnaapput.”</p>
<p>§ 63, imm. 2</p> <p><i>Imm. 2.</i> Inissiaq sulisunut inissiaappat atorfimmut aalajangersimasumut atugassanngortitaasoq § 60, imm. 2-mi aalajangersakkat atuutissanngillat. Tassunga taarsiullugu inissiamik allamik innersuussisoqarsinnaavoq, tak. § 5, imm. 1, nr. 4.</p>	<p>4. § 63, imm. 2-imi ”§ 60, imm. 2” allanngortinneqassaaq uunga: ”§ 60, imm. 4”.</p>
<p>§ 63, imm. 3</p> <p><i>Imm. 3.</i> § 60, imm. 1-mi aalajangersakkat inissianut innarluutilinnut inissiatut immikkut aaqqissukkanut atugassanngortinneqarsimasunullu atuutinnngillat. Tassunga taarsiullugu inissiamik allamik innersuussisoqarsinnaavoq, tak. § 5, imm. 1, nr. 5.</p>	<p>5. § 63, imm. 3-imi ”§ 60, imm. 1” allanngortinneqassaaq uunga: ”§ 60, imm. 1-4”.</p>
<p>Ilanngussaq 4, qulequttap “Uumasuuteqarneq” ataani immikkoortoq: Attartortitsisoq allakkatigut akuersiteqqaarnagu qimmeqartoqaqqusaananilu qitsuuteqartoqaqqusaanngilaq. Allamik peqqtissaqavitsinnagu ilaqutariinnut arlalinnut inissiani, tassalu illuni uiguleriinni inissiarsuarnilu qimmiuteqartoqaqqusaananilu qitsuuteqartoqaqqusaanngilaq. Qimmeqarnissamut qitsuuteqarnissamulluunniit immikkut ittumik qularnaveeqqusiisoqarnissaa attartortitsisup piumasarisinnaavaa.</p>	<p>6. <i>Ilanngussaq 4</i>-imi, qulequttap ”Uumasuutit” ataani immikkoortoq imatut oqaasertalerneqassaaq: ”Aallaaviatigut qimmiuteqarnissaq imaluunniit qitsuuteqarnissaq, kiisalu aalisagaasivimmiittunik aalisagaateqarnissaq, ineqartinneqartunik timmiaateqarnissaq, kikkaasunik ineqartinneqartunik aamma saanilunnik assigisaannilluunniit uumasuuteqarnissaq akuerisaavoq.</p>

	<p>Taamaattoq najugaqatigiiffimmi siulersuisut aalajangersinnaapput qimmiuteqarneq qitsuuteqarnerlu taamaakkaluartoq najugaqatigiiffimmi akuerisassanngitsoq. Qimmiutilinnut qitsuutilinnullu immikkut qularnaveeqqusiinissaq attartortitsisup piumasarissavaa.</p> <p>Attartortup kommunimi qimmiuteqarnermut qitsuuteqarnermullu malittarisassiani maleruagassat sukkulluunniit naammassisimassavai. Maleruagassat taakkua naammassineqanngippata, ileqqorissaarnissamut maleruagassat unioqqutinneqarsimasutut isigineqassaaq. Ileqqorissaarnissamut maleruagassat unioqqutinneqarnerannut naammagittaalliuutigineqartut attartortitsisumut ingerlatinneqassapput.”</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2020 atuutilerpoq.</p>

3. Pisortanut aningaasaqarnikkut allaffissornikkullu sunniutaasussat

Umasuuteqarneq pillugu siunnersuut kommuninut allaffissornikkut suliassaqalernermik malitseqassasoq naatsorsuutigineqarpoq, tassami qimmiuteqarnermut qitsuuteqarnermullu maleruagassat kommunimi pineqartumi atuuttut naapertorlugit qimmiuteqarnissamut imaluunniit qitsuuteqarnissamut akuersissummik qinnuteqaatit amerlanerulissasut naatsorsuutigineqarmat.

Kommunit allaffissornikkut suliassaqarnerulernerisa taassuma annertussusaa aammalu sunniutaasussat sioqqutsisumik eqqoriarneqarsinnaanngillat, tassami attartortut qassit siunissami qimmiuteqalernissamik imaluunniit qitsuuteqalernissamik kissaateqassanersut, missingersorneqarsinnaanngimmat.

Siunnersuut tamatuma saniatigut Ineqarneq pillugu Maalaaruteqartarfimmu Inatsisartut inatsisaat nr. 2, 12. maj 2005-imeersumi § 84, imm. 1, nr. 5 naapertorlugu torersaarnissamut maleruagassanik unioqqutitsinerit pillugit suliassat suliakkiunneqartut amerliartornerannik

malitseqarsinnaassasoq naatsorsuutigineqarpoq. Sioqqutsisumik taamatut amerliartornerisa annertussusissaat missingersorneqarsinnaangilaq.

Attartortup toqunerani attartukkap tiguneqarneranut maleruagassanik allanngortitsinissaq pillugu siunnersuut pisortanut aningaasaqarnikkut sunniuteqarnernik imaluunniit allaffissornikkut suliaassat annertunerulernerannik malitseqassasoq naatsorsuutigineqanngilaq.

4. Inuussutissarsiortunut aningaasaqarnikkut allaffissornikkullu sunniutaasussat
Siunnersuut inuussutissarsiortunut sunniuteqassasoq naatsorsuutigineqanngilaq.

5. Avatangiisinut, pinngortitamut inuillu peqqissusaannut sunniutaasussat
Siunnersuut avatangiisinut imaluunniit pinngortitamut sunniuteqassanngitsoq naatsorsuutigineqarpoq.

Siunnersuummi attartortut amerlanerusut qimmiuteqalernissaat imaluunniit qitsuuteqalernissaat periarfissineqarpoq. Qimmiuteqalernissamik imaluunniit qitsuuteqalernissamik kissaateqarneq amerlanertigut inooqatigiinnermi qimmip imaluunniit qitsuup piginnittumut tunniussaqaarsinnaanera tunngaveqartinneqartarpoq, tamannalu attartortumi inuunerinnerulernissamik malitseqarsinnaavoq.

Taamaattoq siunnersuut innuttaasunut sapigaqartunut sunniuteqarnerlussinnaavoq. Tamanna pissaaq siunissami qimmiuteqarnissamik qitsuuteqarnissamillu qinnuteqarnissaq ajornassanngitsoq, najugaqatigiiffimmi siulersuisut aalajangerpata. Attartortut taakkua najugaqatigiiffimmi, qimmiuteqarnissamik imaluunniit qitsuuteqarnissamik akuersiviusimasumi, najugaqarnerminni peqqissutsimikkut akornuserneqarneq misigisinnaavaat. Naatsorsuutigineqartariaqarpoq qimmeq imaluunniit qitsuk ataatsimoorussani, ilanngullugit illup iluani majuartarfeqarfanni aamma allani ataatsimoorussani, angalaartassasoq, sapigaqartuni malussarissuusuni qisuariartitsinnaasumik.

Najugaqatigiiffiup ilaani uumasuuteqarneq taamaakkaluartoq akuerisaassanngitsoq, najugaqatigiiffimmi siulersuisut aalajangiinissamut periarfissaqartinneqarneranni, mianerisassat imminnut akerleriittut sapinngisamik annertunerpaamik naammassiniarneqarput.

Attartortut sapigaqarnertik imaluunniit pissutsit allat pissutigalugit najugaqatigiiffimmi, qimmiuteqarnissamik imaluunniit qitsuuteqarnissamik akuerisaasumi, najugaqarnissamik kissaateqanngitsut illuummi imaluunniit najugaqatigiiffimmi, qimmiuteqarnissamik imaluunniit qitsuuteqarnissamik akuerisaanngitsumi, inigisaminnik paarlaateqateqarnissamik qinnuteqarnissamut periarfissaqarput.

6. Innuttaasunut sunniutaasussat

Naatsorsuutigineqarpoq najugaqatigiiffinni ataasiakkaani siulersuisut, suliaqarnerulernerit aammalu attartortunit soqutiginninnerulerneq, siulersuisut ataatsimiinneranni kiisalu ataatsimeersuarnerni malugisinnaassagaat.

Attartortut uumasuuteqarnissap akuerisaanissaanik kissaateqanngitsut, siunnersuutip matuma atuutilernerani najugaqatigiiffiup ataatsimeersuarnerni taasinissamut, taamaalillutillu najukkami najugaqartut oqartussaaqatigiinnerat aqutugalugu sunniuteqarnissamut, periarfissaqalissapput.

Maannakkut najugaqatigiiffimmi amerlanerussuteqartut tamatuma akuerisaanissaanik kissaateqarsinnaanerat, attartortut najugaqatigiiffimmini uumasuuteqarnissap akuerisaanissaanik kissaateqanngitsut nalaassinnaavaat. Attartortut taakkua amerlanerussuteqartut kissaateqarnerat malittariaqassavaat imaluunniit najugaqatigiiffimmut uumasuuteqarnissamik akuersiviunngitsumut nuunnissamik kissaateqarlutik qinnuteqartariaqassallutik.

7. Sunniutaasussat annertuut allat

Siunnersuut annertuunik sunniuteqassasoq naatsorsuutigineqanngilaq.

8. Oqartussat kattuffiillu tusarniarneqarnerat

Siunnersuut piffissami 29. marts 2019 – 3. maj 2019 tusarniaassutigineqarpoq, kiisalu piffissami 28. maj 2019 – 4. juni 2019 nutaamik tusarniaassutigineqarsimalluni, aammalu piffissami tassani uani www.naalakkersuisut.gl tusarniaanermut nittartakkami tamanut saqqumitinneqarluni.

Siunnersuut tusarniaaffigineqartuni makkunani tusarniaassutigineqarpoq:

Naalakkersuisut Siulitaasuata Naalakkersuisoqarfia
Pinngortitamut, Avatangiisinut Ilisimatusarnermullu Naalakkersuisoqarfik
Aningaasaqarnermut Naalakkersuisoqarfik
Aatsitassanut Suliffeqarnermullu Naalakkersuisoqarfik
Aalisarnermut, Piniarnermut Nunalerinermullu Naalakkersuisoqarfik
Inuussutissarsiornermut Nukissiuuteqarnermullu Naalakkersuisoqarfik
Isumaginninnermut Inatsisinillu Atuutsitsinermut Naalakkersuisoqarfik
Peqqissutsimut Naalakkersuisoqarfik
Ilinniartitaanermut, Kultureqarnermut Ilageeqarnermullu Naalakkersuisoqarfik
Nunanut Allanut Naalakkersuisoqarfik
Avannaata Kommunia
Qeqqata Kommunia
Kommuneqarfik Sermersooq
Kommune Kujalleq
Kommune Qeqertalik
KANUNUPE
INI A/S

Iserit A/S
SIK (Sulinermik Inuussutissarsiuqartut Kattuffiat)
Sulisitsisut (GE)
Peqqinnissaq Pillugu Kattuffiit (PPK)
Nunatsinni Perorsaasut Kattuffiat (NPK)
Atorfillit Kattuffiat (AK)
IMAK (Ilinniartitsisut Meeqqat Atuarfianeersut Kattuffiat)
Kalaallit Nunaanni Ilinniagartuut Kattuffiat (ASG)
Mittarfeqarfiit
Nukissiorfiit
Asiaq
Kalaallit Nunaanni Rigsombudsmandi
Kalaallit Nunaanni Politimestereqarfik
Nunatta Eqqartuussivia

Tusarniaanermut piffissaliussap naanerani tusarniaaffigineqartunit makkunanga akissuteqaat tiguneqarpoq, tusarniaanermut akissuteqaatinut oqaaseqaatit uingasumik allassimapput:

Naalakkersuisut Siulittaasuata Naalakkersuisoqarfia, Pinngortitamut, Avatangiisinut Ilisimatusarnermullu Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, Aatsitassanut Suliffeqarnermullu Naalakkersuisoqarfik, Kalaallit Nunaanni Politiit, Nunatta Eqqartuussivia, IMAK (sapaatit akkunnerini 5-ini siullermeertumik tusarniaaneq), Kommune Qeqertalik, Kommuneqarfik Sermersooq, Isumaginninnermut Inatsisinillu Atuutsitsinnermut Naalakkersuisoqarfik, Peqqissutsimut Naalakkersuisoqarfik siunnersuummut oqaaseqaatissaqaratik nalunaarput.

Sulisitsisut (Grønlands Erhverv) uparuarpat § 50, imm. 6-imut nassuiaatit, allassimalluni *”Ataasiakkaartumik naliliineq aallaavigalugu aningaasat attartortitsisumit tamakkiisumik ilaannaasumilluunniit attartortumut utertillugit tunniunneqarsinnaapput”* allannguutissatut siunnersuummi pisariaqartumik tunngavissaqanngitsoq.

Tamatuma saniatigut Sulisitsisut uparuarpat, ajoqusiinerit uumasuutinit uppersarneqarsinnaasumik piliarineqarsimasut kisiisa tunngavilersuutigalugit qularnaveeqqusiussap akilerneqarsimasup uninngatinnissaanut imm. 6-imi siunnersuutigineqartumi tunngavissaqanngitsoq. Tassunga atatillugu naatsorsuutigineqarpoq, illuatungeriit uumasuutinit attartortup uumasuutigiunnaarsimasaanit piliarineqartut pillugit isumaqatigiissutigisimasinnaasaannik, attartortut namminneerlutik iluarsiiissamat periarfissaqartut.

§ 37, imm. 5 innersuussutigineqassaaq, tassani attartortitsisup qularnaveeqqusiussap aammalu immikkut qularnaveeqqusiineq siunnersuummi § 50, imm. 7-imi taaneqartup atornissaanut periarfissaqartoq. Tamatuma saniatigut aalajangersagaq allanngortinneqassaaq, taamaalilluni ajoqusiinerit uumasuummit piliarineqartut aamma immikkut qularnaveeqqusiinnermit akilerneqartumit matussuserneqarsinnaassallutik.

Aningaasaqarnermut Sulisoqarnermullu Aqutsisoqarfiup siunnersuutigaa ”uumasuutit” qimminik aamma qitsunnik taarserneqassasoq, tassami takuneqartarmat uumasuutit taakkua innersuussutigineqartut.

Taaguut uumasuut atorineqarpoq, tassami taanna tamakkiisuunngimmat.

Qeqqata Kommuniata siunnersuummi § 50, imm. 3-imut aamma 4-imut tunngatillugu uparuarppaa, uumasuuteqaqqusaanngitsoq siulersuisut aalajangiinissamut periarfissaqarnerat, uumasuummut piginnittup qimmip anaannik katersuinngippat imaluunniit uumasuummit ilungersunartunik allanik akornusersuisoqarpat, attartortut sinnerinut tamatuma illersuutaanissaa naammassanngitsoq.

Qeqqata Kommunია isumaqarpoq uumasuutit il.il. nipiliortarnerisa naammagittaalliuutiginiisaat periarfissaqartariaqaraluartoq.

Tamatuma saniatigut Qeqqata Kommunია isumaqarpoq ileqqorissaarnissamut maleruagassat naammassineqannginneranni uumasuuteqarnissamut akuersissut arsaarinnissutigineqartariaqartoq.

Ilanngussaq 4-imi – Ileqqorissaarnissamut maleruagassani allassimavoq ileqqorissaarnissamut maleruagassat malinneqassasut. Ileqqorissaarnissamut maleruagassat annertuumik unioqqutinneqarnerat attartornerup atorunnaarsinneqarneranik malitseqarsinnaavoq.

Qeqqata Kommuniata tikkuarpaa, siunnersuummi § 50, imm. 6-imi allassimasoq ”...attartortoq immikkut qularnaveeqqusiissasoq”, ilanngussaq 4-ip oqaasertaanni allassimalluni ”attartortitsisoq immikkut qularnaveeqqusiinissamik piumasaqarsinnaasoq”. Tamanna taakkunani marluusuni ”-siissasoq” allassimalerlugu iluarsineqartariaqaraluarpoq. Tamatuma saniatigut qimmit aamma qitsuit ajoqusiinerit suut annerpaamik piliarisinnaaneraat misissorneqartariaqaraluarpoq aammalu tamanna malillugu immikkut qularnaveeqqusiinissamut piumasaqaatit aalajangersarlugit.

Tusaatissatut tiguneqarpoq. Ilanngussaq 4-imi iluarsineqarpoq.

Naliliisoqarpoq qaammatini pingasuni immikkut qularnaveeqqusiinissaq, qimmip imaluunniit qitsuup ajoqusiisinaaneranut tunngatillugu, naleqquttoq.

Qeqqata Kommunია isumaqarpoq siunnersuummi § 50, imm. 7-imi ”-sinnaavoq” taarsiullugu allassimassasoq ”Attartortitsisup imm. 6-imi qularnaaveeqqusiussaq akilerneqartoq atussavaa ...”.

Qularnaveeqqusiinneqartoq atorineqassanersoq atorineqassannginnorsorluunniit attartortitsisup nammineq naliliiffigisariaqarppaa.

Kiisalu Qeqqata Kommunია isumaqarpoq, qimminik piginnittut qimmimik anaannik katersisarnissaq pillugu maleruagassanik ileqqorissaarnissamut maleruagassani ilanngussisoqartariaqaraluartoq.

Tamanna kommunimi qimmiuteqarnermut qitsuuteqarnermullu malittarisassani maleruagassiivigineqareerpoq.

Kommune Kujalleq siunnersuummut akuersaartumik isumaqarpoq aammalu attartortut qimmiuteqarnissamik imaluunniit qitsuuteqarnissamik kissaateqartut kiisalu attartortut tamatuma akuerisaannginnissaanik kissaateqartut eqqarsaatigineqarmata nuannaarutigalugu. *Tusaatissatut tiguneqarpoq.*

IMAK-ip tikkuarpaa taama sivikitsigisumik piffissaqartitsilluni (nutaamik tusarniaaneq) tusarniaanermut akissuteqaammik pitsaassusilimmik tunniussisinnaanani aammalu pimoorussamik suliarineqarsimanngitsumik suliaqarnissamit, tusarniaanermut akissuteqaammik tunniussinngiinnaruni pitsaanerutillugu. *Tusaatissatut tiguneqarpoq.*

INI A/S isumaqarpoq, siulersuisut ikittuinnaasut attartortunut amerlasoorsuarnut sunniussamik uumasuuteqarnermut tunngasunut aalajangiisinnaassappata, siunnersuummi § 50, imm. 4 akuliuneruallaartoq. Taamaattumik INI A/S-ip inassutigaa, najugaqatigiiffimmi imaluunniit najugaqatigiiffiup ilaani uumasuuteqarnissaq akuerineqarsinnaassanersoq, illuummi piginnittoq isummertassasoq. *Najugaqartut oqartussaaqatigiillutik avatangiisiminni pissutsit qanoq issanersut ilisimaarineruaat. Najugaqartut oqartussaaqatigiillutik isumaqarpata najugaqatigiiffik aalajangersimasoq uumasuuteqarfiussanngitsoq, najugaqartut oqartussaaqatigiillutik tamanna aalajangissavaat.*

INI A/S-ip tikkuarpaa siunnersuummi § 50, imm. 5-imi allassimasoq, ileqqorissaarnissamut maleruagassanik uumasuuteqarneq pillugu piumasaqaatit sukkulluunniit naammassineqarsimassasut. Tassunga atatillugu qimmit anaat mingutsitsinertut isigineqarsinnaanersut aammalu qimmit inissiat eqqaanni silaannarissarteqqusaanngitsut, erseqqissarneqassasoq INI A/S-ip siunnersuutigaa. Taamatuttaaq attartortoq qassinik uumasuuteqaqqusaanersoq erseqqissarneqassasoq INI A/S-ip kissaatigaa. *Qimmit anaat aamma qimmiuteqarneq pillugu maleruagassat allat pillugit apeqquutit kommunimi qimmiuteqarnermut qitsuuteqarnermullu malittarisassani maleruagassiivigineqareerput. Uumasuutit akuerineqartut amerlassusissaat pillugit najugaqatigiiffiit ataasiakkaat nammineerlutik aalajangertariaqarpaat.*

Attartortoq qaammatini pingasuni ineqarnermut akiliummut naapertuuttumik siumoortumik akilerneqartumik immikkut qularnaveeqqusiissasoq, taamaalilluni akilersuinissaq periarfissaqartussaananani, INI A/S-ip siunnersuummi § 50, imm. 6-imut tunngatillugu oqaatigaa. INI A/S tamatuma saniatigut isumaqarpoq qitsuit marluuppata qaammatini 2x3-ini ineqarnermut akiliummik tamanna kinguneqassanersoq. *Siunnersuummi qaammatini pingasuni ineqarnermut akiliummut naapertuuttumik immikkut qularnaveeqqusiussamik akiliisitsinissamut tunngavissaliisoqarpoq, tamatumani uumasuutit amerlassusaat apeqqutaanani.*

Qularnaveeqqusiunneqartoq naammannani, peqatigisaanillu tamatuma nuuttoqarnerani misissuinissaq ajornakusoortillugu, arlalinnik pisoqartarnissaa INI A/S-ip aarleqqutigaa,

tassami ajoqusiinerit uumasuutinit pissuteqarnersut imaluunniit nalinginnaasumik nungullarnerunersut, isumaqatigiinngissutaalersinnaassammat.

Uumasuuteqarnermut atatillugu immikkut qularnaveeqqusiinissamik piumasaqarnissamik periarfissaqarneq, ajoqusiinerusinnaasunut uumasuuteqarnermit piliarineqartunut, matussusiisussaapput. Immikkut qularnaveeqqusiussa utertillugu akilerneqassasoq attartortup kissaatigippagu, uumasuuteqarunnaarnerup kingorna misissuineq ingerlanneqartariaqarpoq. Allat ajoqusiinerusinnaasut kingusinersukkut nuuttoqarnerani misissuineri paasineqartussat, nuunnermi akilerneqartariaqarput.

INI A/S-ip nunami sumiiffinni assigiingisitaartitsinissaq kissaatigaa, assersuutigalugu qimmeq qimuttoq akuerisaassanngitsoq. Tamatuma saniatigut kommunalbestyrelsi imaluunniit politiit qimmiuteqarnerup naammagittaalliuutigineqarneranik iliuuseqartassasut, ersarissumik nassuiarneqarnera INI A/S-ip maqaasivaa.

Kommunimi qimmiuteqarnermut qitsuuteqarnermullu malittarisassat atuupput. Najugaqartup inissiami sanilimini assersuutigalugu qiluttoqarnera pissutigalugu nipiliortoqarnerata naammagittaalliuutiginnissaa kissaatigippagu, sulii attartortitsisoq naammagittaalliorfigineqartussaavoq.

Maleruagassat naammassineqarsimanerinit nakkutilliineq qanoq atuutsinneqassanersoq, isummerfigineqarnissaa INI A/S-ip maqaasivaa. Nipiliornerit naammagittaalliuutigineqarnerat, akuersissummik peqannginnerup naammagittaalliuutigineqarnera il.il. qanoq iliuuseqarfigineqarnissaat INI A/S-ip nalornissutigaa.

Uumasuuteqarneq akuerisaassasoq najugaqartut oqartussaaqatigiillutik aalajangererat, najugaqartunit allanit takuneqarsinnaassaaq, assersuutigalugu imaqarniliani imaluunniit allami. Qiluttoqarneranik naammagittaalliuutiginninneq nipiliornerit naammagittaalliuutigineqarnerisut allatut iliuuseqarfigineqassaaq.

Uumasuuteqarneq attartortunut nammineq isertarfeqartunut taamaallaat akuerineqassasoq, INI A/S-ip inassutigaa.

Aalajangiiffigisassatut siunnersuut Inatsisartunit akuerineqartoq tunngavigalugu allannguutissatut siunnersuut ilanngunneqarpoq. Tamatuma saniatigut sumi uumasuuteqartoqarsinnaassasoq, najugaqartut oqartussaaqatigiillutik nammineq naliliiffigissavaat.

Kommune Kujalleq sapaatit akunnerini 5-ini tusarniaanermi missingiummut akuersaartumik isummersimagaluartoq, nutaamik sapaatip akunnerani ataatsimi tusarniaaneq naappallaarmaat, ajuusaarutigaa.

Kommune Kujallermit inassutigineqarpoq inatsisissatut siunnersuut allanngortinneqassasoq, taamaalilluni uumasut aalajangersimasut sammineqaratik, kisianni aallaaviatigut pisortat inissiaataanni attartortittakkani uumasuuteqarnissamut nalinginnaasumik akuersissummik peqartoqartassasoq, kisianni pisinnaatitaanermut tassunga

- Qularnaveeqqusiinissaq piumasaaqataassalluni imaluunniit akisussaasuunermut pigisallu ajoqusernissaannut sillimmasiinissaq piumasaaqatigineqassalluni,
- najugaqartut oqartussaaqatigiinneranni inatsisit malillugit pilersumi ilaatillugu aalajangiinnermi kinaassusersiunnigitsumik tunngavilimmik pisinnaatitaaneq ataasiakkaatigut annikillineqarsinnaalluni aamma
- uumasuuteqarneq nalinginnaasumik sanilinut imaluunniit illuummi najugaqartunut allanut akornutaassanani.

Attartortup uumasuuteqarnissaq kissaatigippagu, immikkut qularnaveeqqusiinermik akiliisitsisinnaaneq siunnersuummik tunngavissaqarpoq. najugaqatigiiffimmi/-nni sorlerni uumasuuteqarnissaq akuerisaassanersoq, najugaqartut oqartussaaqatigiillutik aalajangertussaavaat. Najugaqatigiiffiit ileqqorissaarnissamut maleruagassaat sukkulluunniit atuupput, aamma uumasuuteqarneq assersuutigalu nipiliornertut ittumik akornusersuippat.

Kommunip siunnersuutaa tunngavigalugu Kommune Kujallermit inassutigineqarpoq, attartortoq uumasuuteqarnermut sillimmasiissuteqassasoq, immikkut qularnaveeqqusiinissaq pinngitsoorani pisussaassanngitsoq.

Sillimmasiissuteqarnissaq pisussaaffigineqassappat, tamanna qimmimik/qitsummik piginnittumut aammalu attartortuinnaanngitsunut, atuuttariaqarpoq.

Kommune Kujallermit inassutigineqarpoq kommunimi qimmiuteqarnermut qitsuuteqarnermullu malittarisassanut innersuussineq inatsisissatut siunnersuummi aammalu ileqqorissaarnissamut maleruagassani peerluinnarneqassasoq.

Naliliisoqarpoq taakkua kommunimi malittarisassani maleruagassiivigineqareersimmata, attartortitsinermut inatsimmi immikkuullarissunik maleruagassaqartariaqanngitsoq, qimmiuteqarnermut qitsuuteqarnermullu atuuttunik.

Siunnersuummi § 60, imm. 4-imi Imm. 2 siunertaasoq Kommune Kujalliup paasilluanngilaa, tassami kommunu isumaqarmat inuit marluk attartortuusinnaasut, taamaattumik najugaqartup katissimallugu aapparminit/inooqatiminit salliutinneqarnissanut pisariaqartitsineq naleqquppasigani.

Aappaata attartortutut allassimangitsup isumannaatsuutinnissarpiaanut, allannguutissatut siunnersuut saqqummiunneqarpoq.

Siunnersuummi § 60, imm. 7-imut tunngatillugu Kommune Kujalliup oqaatigaa pingaarnersiunerme tulleriinnilersuineq aamma aalajangersakkami nassuiaatit naapertorlugit, imm. 5 malillugu innersuussinermi atuuttoq. Kommunip ”katissimallugu aapparisaq, aappatut nalunaarsorsimasup, inooqatigisap” akornanni pissutsit pingaarnersiuiiffiginissaannut pisariaqartitsineq takujuminaatsippaa, tassami inuk ataasiinnaasinnaammat.

”Katissimallugu aapparisaq, aappatut nalunaarsorsimasup, inooqatigisap” allattorsimanerat inooqatigiinnermut tunngasut assigiinnigitsuusinnaanerat isiginiarniarlugu, atorneqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

§ 37, imm. 5 § 50-ip oqaasertalerneqarnerata allanngortinneqarnissaanut siunnersuutip malitsigisaanik sunniutaasunut iluarsineqarpoq. Tamatumani § 37, imm. 5 siunnersuummi § 50, imm. 7-imut eqqortumik innersuunneqarnissaa qulakkeerneqarpoq.

Nr. 2-mut

Imm. 3-mut

Aalajangersagaq malillugu aallaaviatigut Namminersorlutik Oqartussat aamma kommunit inissiaataanni attartortittakkani uumasuuteqarnissaq akuerisaavoq, taamaattoq takuuk imm. 4.

Uumasuutit tassunga atatillugu paasineqassaaq tassaasut qimmeq aamma qitsuk kiisalu aalisakkat aalisagaasivimmiittut, timmissat ineqartinneqartut, kikkaasut ineqartinneqartut aamma saaniluit assigisaalluunniit.

Imm. 4-mut

Aalajangersakkami, imm. 3-imi aalajangersagaq apeqqutaatinnagu najugaqatigiiffimmi pineqartumi qimmiuteqarluni imaluunniit qitsuuteqarluni uumasuuteqarneq akuerisaassanngitsoq, najugaqatigiiffinni ataasiakkaani siulersuisut aalajangiinissamut piginnaatinneqarput. Taamaaliornermi najugaqatigiiffinni siulersuisunut piginnaatitaaneq suliakkiunneqarpoq, taamaalillutik attartortut annertunerusumik aalajangeeqataasinnaalerlutik aammalu attartortut sapigaqartut imaluunniit allanik pissuteqarlutik qimmiuteqarnissap imaluunniit qitsuuteqarnissap akuerisaanissaanik kissaateqanngitsut, peqqissutsikkut akornutaasunik misigisaqartariaqaratik inissiamik attartortittakkamik pisortanit pigineqartumik attartornissamut periarfissaqaannarnissaat, qulakkeerneqarluni. Najugaqatigiiffimmi inissiat arlaqarpata, najugaqarfimmi uumasuuteqarnissaq akuerineqassanersoq, kisianni allani akuerisaassanngitsoq, najugaqatigiiffik aalajangiisinnaavoq. Taamaalilluni sumi uumasuuteqarnissaq akuerisaassanersoq najugaqatigiiffik nammineq aalajangiisaaq.

Taamaattoq attartortut inatsisinik unioqquitsinatik Inatsisartut inatsisaat nr. 2, 12. maj 2005-imeersup atuutilernissaata tungaanut uumasuuteqarsimasut, najugaqatigiiffimmi siulersuisut aalajangiinerat apeqqutaatinnagu, maannamut inatsisinik unioqquitsinatik uumasuutertik pigiinnarnissaanut pisinnaatitaaginnassapput. Taamaattoq attartortut, matuma siuliani allassimasut apeqqutaatinnagu, sukkulluunniit kommunit qimmiuteqarnermut qitsuuteqarnermullu maleruaqqusai naapertorlugit qimmiuteqarnissamut imaluunniit qitsuuteqarnissamut piunasaqaatit sukkulluunniit naammassisimasussaavaat.

Imm. 5-imut

Aalajangersakkami aalajangersarneqarpoq torersaarnissamut maleruagassani ilanngussaq 4-imiittuni piumasaqaatit naammassineqarsimappata, uumasuuteqarneq taamaallaat pisinnaasoq.

Imm. 6-imut

Ajoqusiinernut uumasuutit attartukkami imaluunniit ataatsimoorussani piliarisimasinnaasaannut matussutissatut, attartortitsisoq qaammatini pingasuni ineqarnermut akiliutip annertoqqataani immikkut qularnaveeqqusiussassamik akiliisitsinnaavoq. Uumasuutigineqartoq toquppat imaluunniit attartortoq allatut uumasuuteqarunnaarpat, attartortitsisup illuummik attartortamik misissuereernermini aalajangersinnaavoq, attartortup qularnaveeqqusiussaata uninngatinnissaanut piumasaqaatit atuukkunnaassasut aammalu aningaasat utertillugit tunniullugit. Ataasiakkaartumik naliliineq aallaavigalugu aningaasat attartortitsisumit tamakkiisumik ilaannaasumilluunniit attartortumut utertillugit tunniunneqarsinnaapput.

Imm. 7-imut

Aalajangersakkami aalajangersarneqarpoq, qularnaveeqqusiussassatut akilerneqartoq inigisAQ qimallugu nuunnermi ajoqusiinerusinnaasut qimmiuteqarnermit imaluunniit qitsuuteqarnermit pisimasut matussuserneqarnissaannut ator neqarsinnaasut, taamatullu uumasuuteqarnerup kingunerisaanik ajoqusiinerit, soorlu assersuutigalugu kumaat assigisaalluunniit uumasut ajoqusiisartut pissutigalugit inissiap salilluarneqarnissaa, qularnaveeqqusiissummit akilerneqartumit matussuserneqarsinnaapput.

Nr. 3-mut

Imm. 1-imut

Katissimallugu aapparisaq imaluunniit aapparisaq nalunaarsorsimasup qimagaasup, toqukkut qimaguttup attartugaanik ingerlatitseqqiinnarnissamut tigusinissamullu pisinnaatitaanera, aalajangersakkami maleruagassiivigineqarpoq. Katissimallugu aapparisaq imaluunniit aapparisaq nalunaarsorsimasup, attartortup toqunissaa minnerpaamik qaammatinik arfinilinnik sioqqullugu ataatsimut inoqutigiinni illoqataasimanissaa aamma inuit allattorsimaffianni nalunaarsorsimanissaa, piumasaqaataavoq.

Nalinginnaasumik naatsorsuutigineqartariaqarpoq, inuit katissimasut imaluunniit nalunaarsorsimallutik aappariittut aammalu inissiami attartortittakkami najugaqatigiittut, ataatsimut inoqutigiissimasut. Tamatumunnga naliliiner mi ilaatigut attartortoq aamma katissimallugu aapparisaq imaluunniit aapparisaq nalunaarsorsimasoq ataatsimoorlutik attartortittakkamik atuisimnersut aammalu ataatsimoorlutik illoqatigiittut atuisimnersut, pingartinneqarsinnaavoq.

Attartortoq nalinginnaasumik inissiami attartortittakkamiissimappat, katissimallugu aapparisaq imaluunniit aapparisaq nalunaarsorsimasoq qimagaasoq, maannamut atugassarititaasut tungavigalugit attartukkap ingerlatiinnarnissaanut, pisinnaatitaavoq.

Katissimallugu aapparisaq imaluunniit aapparisaq nalunaarsorsimasup qimagaasup attartornissamut isumaqatigiissutaasoq malillugu pisinnaatitaaffiit pisussaaffillu tigussavai.

Katissimallugu aapparisaq imaluunniit aapparisaq nalunaarsorsimasup qimagaasup attartukkamik tiguserani inoqutigiit annertussusaat inissiap angissusaanut sanilliullugu naleqqutissasoq, pisortat inissiaataanni attartortittakkani piunasaqaataannigilaq. Assersuutigalugu katissimallugu aapparisaq qimagaasup, pineqartoq attartukkami kisimiilluni najugaqartussaagaluartoq, inissiaq attartortittagaq sisamanik initaartoq tiguserinaavaa.

Inissiaq attartortittagaq immikkut aqqissugaappat aammalu attartortup innarluuteqarnera pissutigalugu attartortinneqarluni, attartugaq tiguneqarsinnaannigilaq. Tamaattoqarpat attartortitsisarnermut peqqussummi § 5-imi innersuussinissamut maleruagassat nalinginnaasut malillugit inissiamut attartortittakkamut nalinginnaasumut innersuussisoqarsinnaavoq.

Imm. 2-mut

Inooqatigisaq qimagaasup, toqukkut qimaguttup attartugaanik ingerlatitseqqinnissamut tiguserinissamullu pisinnaatitaanera, aalajangersakkami maleruagassiivigineqarpoq. Inooqataasup attartortup toqunissaa minnerpaamik qaammatinik arfinilinnik sioqqullugu ataatsimut inoqutigiinni illoqataasimanissaa aamma inuit allattorsimaffianni nalunaarsorsimanissaa, piunasaqaataavoq.

Aammattaaq piunasaqaataavoq attartortoq aamma inooqataasoq katissimalluni aappariinnut assingusumik inooqatigiissimassasut. Ataatsimoorluni illoqatigiilluni atueqatigiittoqarpat aammalu ataatsimut isigalugu Kalaallit Nunaanni inatsisit malillugit katinnermik kinguneqarsinnaasumik inooqatigiittoqarsimappat, katissimalluni aappariinnut assingusumik inissisimasoqarsimassaaq. Assersuutigalugu kinguaariilluni ilaqutariit imaluunniit qatannugit akornanni katissimalluni aappariinnut assingusumik inissisimasoqarsinnaannigilaq.

Pineqartut ataatsimoorlutik illoqatigiittut atueqatigiissimanersut naliliinermi, pineqartut imminnut attaveqatigiinnerminni iluaqutissartaqartitsisimanersut, pingaartinneqarsinnaavoq. Iluaqutissartaasut ataatsimoorlutik isigalugit, katissimasut aamma inuit nalunaarsorsimasut iluaqutissartaqartitsisarnerannut sanilliunneqarsinnaanersut, naliliinermi aalajangiisuusumik pingaaruteqarpoq.

Iluaqutissartaasut aningaasaqarnermut tunngassuteqarsinnaapput, aningaasartuutunik aalajangersimasunik aamma ulluinnarni atuinermut aningaasartuutunik akiliisarnermut atatillugu, imaluunniit aningaasaqarnermut tunngassuteqaratik, ulluinnarni suliasani ikioqatigiinnertut iluseqarlutik, soorlu meeqqanik aallerneq, aggiussineq paarsinerlu, pisiniarneq, nerisassiorneq eqqiaanerlu il.il.

Attartortoq inissiami attartortittakkami nalinginaasumiissimappat, inooqataasoq qimagaasup maannamut atugassarititaasut tunngavigalugit attartukkamik ingerlatsiinnarnissamut

pisinnaatitaavoq. Inooqataasup qimagaasup attartornissamut isumaqatigiissutaasoq malillugu pisinnaatitaaffiit pisussaaffiillu tigussavai.

Inooqataasup qimagaasup attartukkamik tigusinerani inoqutigiit annertussusaat inissiap angissusaanut sanilliullugu naleqqutissasoq, pisortat inissiaataanni attartortittakkani piunasaqaataanngilaq. Assersuutigalugu katissimallugu aapparisaq qimagaasup, pineqartoq attartukkami kisimiilluni najugaqartussaagaluartoq, inissiaq attartortittagaq sisamanik initaqartoq tigusinnaavaa.

Inissiaq attartortittagaq immikkut aqqissugaappat aammalu attartortup innarluuteqarnera pissutigalugu attartortinneqarluni, attartugaq tiguneqarsinnaanngilaq. Tamaattoqarpat attartortitsisarnermut peqqussummi § 5-imi innersuussinissamut maleruagassat nalinginnaasut malillugit inissiamut attartortittakkamut nalinginnaasumut innersuussisoqassaaq.

Imm. 3-mut

Attartortup meeraasa 18-it sinnerlugit ukiullit angerlarsimaffimmi najugaqartut, toqukkut qimaguttup attartugaanik ingerlatitseqqinnissamut tigusinissamullu pisinnaatitaanerat, aalajangersakkami maleruagassii vigineqarpoq. Meeqqap, attartortup toqunissaa minnerpaamik qaammatinik arfinilinnik sioqqullugu ataatsimut inoqutigiinni illoqataasimanissaa aamma inuit allattorsimaffianni nalunaarsorsimanissaa, piunasaqaataavoq.

Attartortoq aammalu taassuma meeraq angerlarsimaffimmi najugaqartut ataatsimut inoqutigiillutik illoqatigiissimassasut ilimagineqassaaq. Tamatuminnga naliliinermi ilaatigut, attartortoq aamma meeqqat angerlarsimaffimmi najugaqartut attartukkamik ataatsimoorlutik atuinerat aammalu meeqqat ataatsimut illoqatigiit atuineranni ilaasimanersut, pingaartinneqassapput.

Attartortoq inissiami attartortittakkami nalinginaasumiissimappat, meeraq maannamut atugassarititaasut tunngavigalugit attartukkamik ingerlatsiinnarnissamut pisinnaatitaavoq. Meeqqap attartornissamut isumaqatigiissutaasoq malillugu pisinnaatitaaffiit pisussaaffiillu tigussavai.

Meeqqap attartukkamik tigusinerani inoqutigiit annertussusaat inissiap angissusaanut sanilliullugu naleqqutissasoq, pisortat inissiaataanni attartortittakkani piunasaqaataanngilaq. Assersuutigalugu pineqartoq attartukkami kisimiilluni najugaqartussaagaluartoq, meeqqap inissiaq attartortittagaq sisamanik initaqartoq tigusinnaavaa.

Attartortoq arlalinnik angerlarsimaffimmi najugaqartunik meeraqarsimappat, attartukkamik tigusinissamik kissaateqartunik, meeqqat akornanni toqqaasoqartariaqarpoq. Siunnersuutigineqarpoq meeraq, attartortup toqunissaa sioqqullugu piffissami siviunerusumi attartortoq ataatsimut inoqutigiinni illoqataasimasooq aamma inuit allattorsimaffianni nalunaarsorsimasimasooq, pisinnaatitaassasoq.

Inissiaq attartortittagaq immikkut aaqqissugaappat aammalu attartortup innarluuteqarnera pissutigalugu attartortinneqarluni, attartugaq tiguneqarsinnaanngilaq. Tamaattoqarpat attartortitsisarnermut peqqussummi § 5-imi innersuussinissamut maleruagassat nalinginnaasut malillugit inissiamut attartortittakkamut nalinginnaasumut innersuussisoqassaaq.

Imm. 4-mut

Attartortup angajoqqaavisa, toqukkut qimaguttup attartugaanik ingerlatitseqqinnissamut tigusinissamullu pisinnaatitaanera, aalajangersakkami maleruagassiivigineqarpoq. Attartortup angajoqqaavi, attartortup toqunissaa minnerpaamik qaammatinik arfinilinnik sioqqullugu ataatsimut inoqutigiinni illoqataasimanissaat aamma inuit allattorsimaffianni nalunaarsorsimanissaat, piunasaqaataavoq.

Ilimagineqassaaq angajoqqaat aamma meeqqat inissiami attartortittakkami najugaqartut ataatsimut inoqutigiumassasut. Tamatuminnaga naliliinermi ilaatigut attartortoq aamma angajoqqaat ataatsimoorlutik attartukkamik atuisimanersut aammalu ataatsimoorlutik inoqutigiiusimanersut, pingaartinneqarsinnaavoq.

Attartortoq inissiami attartortittakkami nalinginaasumiissimappat, angajoqqaq maannamut atugassarititaasut tunngavigalugit attartukkamik ingerlatsiinnarnissamut pisinnaatitaavoq. Angajoqqaap attartornissamut isumaqatigiissutaasoq malillugu pisinnaatitaaffiit pisussaaffiillu tigussavai.

Angajoqqaat attartukkamik tigusinerani inoqutigiit annertussusaat inissiap angissusaanut sanilliullugu naleqqutissasoq, pisortat inissiaataanni attartortittakkani piunasaqaataanngilaq. Assersuutigalugu pineqartoq attartukkami kisimiilluni najugaqartussaagaluartoq, angajoqqaap inissiaq attartortittagaq sisamanik initaqartoq tigusinnaavaa.

Inissiaq attartortittagaq immikkut aaqqissugaappat aammalu attartortup innarluuteqarnera pissutigalugu attartortinneqarluni, attartugaq tiguneqarsinnaanngilaq. Taamaattoqarpat attartortitsisarnermut peqqussummi § 5-imi innersuussinissamut maleruagassat nalinginnaasut malillugit inissiamut attartortittakkamut nalinginnaasumut innersuussisoqarsinnaavoq.

Imm. 5-imut

Aalajangersakkami sulisunut inissiamik, attartortup pisortani sulisitsisumi atorfeqarneranut ilaatillugu inissiatut attartortittakkatut nalinginnaasutut innersuunneqarsimasumik, tigusinissamut pisinnaatitaaneq maleruagassiivigineqarpoq. Siunnersuummi imm. 1-4-imi piunasaqaatit allannguuteqaratik atuutissapput.

Sulisunut inissiaq, attartortup namminersortumi sulisitsisumi atorfininneranut ilaatillugu innersuunneqarsimasoq, aalajangersakkami pineqartunut ilaatinneqanngilaq. Attartortitsisaarnermut peqqussummi § 65 malillugu, atorfeqarnerup uninnerani attartorneq

atorunnaartussaavoq. Katissimallugu aapparisaq, aapparisaq nalunaarsorsimasoq, inooqataasoq imaluunniit meeqqat angerlarsimaffimmi najugaqartut 18-it sinnerlugit ukiullit, sulisunut inissiamut namminersortumi sulisitsisumi atorfeqarneq aqcutigalugu innersuunneqarsimasumut, inissiatut attartortittakkatut nalinginnaasutut innersuunneqarnissamut pisinnaatitaanngillat.

Aammattaaq pisortani sulisunut inissiap inissiatut attartortittakkatut nalinginnaasutut tigunissaanut piumasaaqataavoq katissimallugu aapparisaq, aapparisaq nalunaarsorsimasoq, inooqatigisaq imaluunniit meeqqat angerlarsimaffimmi najugaqartut 18-it sinnerlugit ukiullit pisortani sulisitsisumi atorfeqarneq aqcutigalugu nammineerlutik sulisunut inissiamut innersuunneqarnissamut pisinnaatitaassanngitsut.

Sulisunut inissiaq atorfimmuut aalajangersimasumut immikkoortitaappat, sulisunut inissiaq inissiatut attartortittakkatut nalinginnaasutut tiguneqarsinnaanngilaq. Tamaattoqarpat attartortitsisarnermut peqqussummi § 5-imi innersuussinissamut maleruagassat nalinginnaasut malillugit inissiamut attartortittakkamut nalinginnaasumut innersuussisoqarsinnaavoq.

Inissiaq attartortittagaq immikkut aaqqissugaappat aammalu attartortup innarluuteqarnera pissutigalugu attartortinneqarluni, attartugaq tiguneqarsinnaanngilaq. Tamaattoqarpat attartortitsisarnermut peqqussummi § 5-imi innersuussinissamut maleruagassat nalinginnaasut malillugit inissiamut attartortittakkamut nalinginnaasumut innersuussisoqarsinnaavoq.

Imm. 6-imut

Attartortup toqneranut sanilliunneqassaaq, attartortoq ukioqqortussuseq imaluunniit napparsimaneq pissutigalugit ataavartumik inissiaq qimallugu nuulluni aammalu utoqqaat illuannut assigisaanulluunniit nuulluni, pisoqarnera. Attartortup katissimallugu aapparisaq, aapparisaq nalunaarsorsimasoq, inooqataa imaluunniit meerai 18-it sinnerlugit ukiullit angerlarsimaffimmi najugaqartut taamaattoqarnerani inissiap attartortittakkap nalinginnaasup tigunissaanut imaluunniit sulisunut inissiamut inissiatut attartortittakkatut nalinginnaasutut innersuunneqarnissamut, taamaaqataani pisariaqartitsisinnaapput.

Attartortup inissiami attartortittakkami imaluunniit sulisunut inissiami aalajangersimasumik najugaqarnerminik qaqugukkuut ataavartumik taamaatitsinersoq, ataasiakkaatigut naliliiffigineqassaaq, aammalu attartukkap attartortup katissimallugu aappaanut, aappaanut nalunaarsorsimasumut, inooqataanut imaluunniit meeraanut angerlarsimaffimmi najugaqartunut 18-it sinnerlugit ukiulinnut tunniunneqarnissaa, attartortumit allaganngorlugu akuerineqarnissaa tamatumunnga pisariaqartussaavoq.

Imm. 7-imut

Katissimallugu aapparisaq, aapparisaq nalunaarsorsimasup, inooqataasup aamma meeqqat angerlarsimaffimmi najugaqartut 18-it sinnerlugit ukiullit akornanni pissutsinut aammalu attartorneqartup tigunissaanut kikkut pisinnaatitaasinnaanersut imaluunniit sulisunut inissiamut inissiatut attartortittakkatut nalinginnaasutut innersuunneqarsinnaanersut, aalajangersakkami maleruagassiivigineqarpoq.

Nr. 4-mut

§ 63, imm. 2 § 60-ip oqaasertalerneqarnerata allanngortinneqarnissaanut siunnersuutip malitsigisaanik sunniutaasumik iluarsineqarpoq. § 63, imm. 2-ip siunnersuummi § 60, imm. 4-imut eqqortumik innersuunneqarnissaa tamatumani qulakkeerneqarpoq.

Nr. 5-imut.

§ 63, imm. 3 § 60-ip oqaasertalerneqarnerata allanngortinneqarnissaanut siunnersuutip malitsigisaanik sunniutaasumik iluarsineqarpoq. § 63, imm. 3 siunnersuummi § 60, imm. 1-4-imut eqqortumik innersuunneqarnissaa tamatumani qulakkeerneqarpoq.

Nr. 6-imut.

Inissianik attartortitsisarneq pillugu Inatsisartut peqqussutaannut ilangussaq 4-imi uumasuuteqarneq pillugu immikkoortoq allanngortinneqassaaq, taamaalilluni pisortat inissiaataanni attartortittakkani uumasuuteqarnissaq akuerisaalluni.

§ 2-mut

Siunnersuutip piffissaq atuutilerfissaa aalajangersakkami allassimavoq.